

اتوار 8 مارچ، 2026

مضمون۔ انسان

سنہری متن: 1 یوحنا 3 باب 2 آیت

”عزیزو! اسی جان دے آل پئی جدوں اوہ ظاہر ہووے گاتے اسی وی اوہدے وانگر ہونواں گے۔ کیوں جے اوہنوں اوس طراں ای ویکھا گے جیہیں طراں دا اوہ ہے اے۔“

جوابی پڑھائی: زبور 103 باب 1، 3، 4، 13، 15، 18، 20 آیتاں

- 1۔ اے میری جان خداوند نوں دھن آکھتے جو کجھ میرے اندر اے اوہدے پاک ناں نوں دھن آکھے۔
- 3۔ اوہ تیری ساری بدکاری بخشدا اے۔ اوہ تینوں ساریاں بیماریاں توں شفا دیندا اے۔
- 4۔ اوہ تیری جان نوں ہلاکت توں بچاؤندا اے۔ اوہ تیرے سر اُتے شفقت تے رحمت داتا ج دھردا اے۔
- 13۔ جیویں پیو اپنے پتر اُتے ترس کھاندا اے اونج ای خداوند اوہناں اُتے جیہڑے اوہدے توں ڈردے نیں ترس کھاندا اے۔
- 15۔ انسان دی عمر تے کاہ وانگر اے۔ اوہ جنگلی پھل وانگر کھڑدا اے۔
- 16۔ پئی ہو اوہدے اُتے چلی تے اوہ نہیں اے تے اوہدی تھاں اوہنوں فیر نہ ویکھے گی۔

- 17- پر خداوندی شفقت اوہدے توں ڈروالیاں اُتے ہمیشہ توں ہمیشہ تیکر تے اوہدی سچیاں پیڑی توں پیڑی تیکر اے۔
- 18- یعنی اوہناں اُتے جیہڑے اوہدے عہد اُتے قائم رہندے نیں۔ تے اوہدے قانوناں اُتے عمل کرنا یاد رکھدے نیں۔
- 20- اے خداوند دے فرشتیاں! اوہنوں دھن آکھو۔ تسی جیہڑے زور وچ ودھ کے اوتے اوہدے کلام دی آواز سن کے اوہدے اُتے عمل کردے او۔

درسی وعظ

بائبل وچوں

1- اعمال 6 باب 8، 9 (توں پہلی)، 10، 13 (توں پہلی)، آیتاں

- 8- تے استغفس فضل تے قوت نال بھریا ہو سیا لوکاں وچ بڑے عجیب کم تے نشان ظاہر کردا ہندا اسی۔
- 9- تے عبادت گاہ وچوں کجھ لوکی اُٹھے،
- 10- پراوہ اوس سیان تے روح داجیدے نال اوہ کم کردا اسی مقابلہ نہ کر سکے۔
- 11- ایہدے اُتے اوہناں نے کجھ بندیاں نوں ایہہ سکھا کے گھلیا پئی اسی اوہنوں موسیٰ تے رب دے خلاف کفر دیاں گلاں کردیاں سنیا۔
- 12- فیر اور عوام تے بزرگاں تے فقیہاں نوں چکناں دے کے اوہدے اُتے چڑھے تے اوہنوں پھڑکے صدر عدالت وچ لے گئے۔

13۔ تے جھوٹے گواہ کھڑے کر جھڈے۔

2۔ اعمال 7 باب 2، (توں چھیویں)، 49، 48 (توں دو جی:)، 52، 57 (توں پہلی)، 59 (توں پہلی)، 60 آیتاں

2۔ اوہنے آکھیاے بھراووتے بزرگو سنو! خدائے ذوالجلال ساڈے پورا براہم اُتے اوس ویلے ظاہر ہو نیا جداوہ حاران وچ وسن توں پہلاں میسو پتامیہ وچ سی۔

48۔ پر باری تعالیٰ ہتھ دے بنائے ہوئے گھراں وچ نئیں رہندا۔ ایس لئی نبی آکھداے پئی۔

49۔ خداوند آکھداے پئی اسمان میرا تخت تے دھرتی میرے پیراں بیٹھاں دی چوکی اے۔ تسی میرے لئی کیویں دا گھر بناؤ گے؟

52۔ تیاں وچوں کنہوں تہاڈے پیو دادے نے نئیں ستایا؟ اوہناں نے تے اوس راستباز دے آؤن دی پیش خبری دین والیاں نوں قتل کیتا تے ہن تسی اوہنوں پھڑان والے تے قاتل بنے۔

53۔ تسی فرشتیاں دے راہیں شریعت تے پائی پر عمل نہ کیتا۔

54۔ جداوہناں نے ایہہ گلاں سنیاں تے اپنے دل وچ سڑ گئے تے اوہدے اُتے دند پیسن لگے۔

55۔ پر اوہنے پاک روح نال بھر کے اسمان ول دھیان نال نظر کیتی تے رب داجلال تے یسوع نوں رب دے سجے پاسے کھلوتے ویکھے کے،

56۔ آکھیا پئی ویکھو۔ میں اسمان نوں کھلیا تے ابن آدم نوں رب دے سجے پاسے کھلوتا ویکھداواں۔

57۔ پر اوہ بوہت زور نال چلائے۔

59۔ ایس لئی اوہ استغفس نوں پتھر مار دے رہے۔

60- فیرا وہنے گوڈے ٹیک کے بڑی آواز نال پکار یا پئی اے خداوند۔ ایہہ پاپ ایہناں دے ذمے نہ لاتے ایہہ آکھ کے سوں گیا۔

3- اعمال 8 باب 1 (توں-)، 2 آیتاں

- 1- تے ساؤل اوہدے قتل اُتے راضی سی۔
- 2- تے دین دار لوکی استغفس نوں دفن کرن لئی لے گئے تے اوہدے اُتے بڑا ماتم کیتا۔

4- اعمال 9 باب 1 (توں پہلی)، 2 (خواہش) تا 5 (توں:)، 6، 8، 10 (توں پہلی-)، 11 (اٹھو)، 17، 18، 20 آیتاں

- 1- تے ساؤل جیہڑا ہلے تیکر خداوند دے چیلیاں نوں دھمکیاں لاؤن تے قتل کرن دے نشے وچ سی سردار کاہن دے کول گیا۔
- 2- تے اوہنے دمشق دے عبادتخانیاں لئی ایس مضمون دیاں چٹھیاں منگیاں پئی جنہاں نوں اپن داویکھے بھانویں بڈھیاں ہون تے بھانویں بندے اوہناں نوں بنھ کے یروشلیم وچ لیاوے۔
- 3- جد اوہ پنیڈا کر دیاں کر دیاں دمشق دے نیسرے اڑیا تے اپن ہو یا پئی اچانک اسمان توں اک لو اوہدے آلے دوالے چمکی۔
- 4- تے اوہدھرتی اُتے ڈگ پیتے ایہہ آواز آئی پئی اے ساؤل اے ساؤل! توں مینوں کیوں ستاؤنا ایں؟
- 5- اوہنے پچھیا اے خداوند توں کون ایں؟ اوہنے آکھیا میں یسوع آں جنہوں توں ستاؤنا ایں۔
- 6- پراٹھ تے شہر وچ جاتے جو تینوں کرنا چاہیدا اے اوہ تینوں دسیا جاوے گا۔

8۔ تے ساؤل دھرتی اتوں اٹھیا پر جد اکھیاں کھولیاں تے اوہنوں کجھ دکھالی نہ دتا تے لوکی اوہدا ہتھ پھڑکے دمشق وچ لے گئے۔

10۔ دمشق وچ حننیاہ ناں دا اک چیلایا سی۔ اوہنوں خداوند نے سُنھے وچ آکھیا پئی اے حننیاہ! اوہنے آکھیا اے خداوند میں حاضر آں۔

11۔ خداوند نے اوہنوں آکھیا اٹھ۔ اوس گھر وچ جا جیہڑا سدھا اکھواندا اے تے یہوداہ دے گھر وچ ساؤل ناں دے ترسی نوں بچھ لے کیوں جے ویکھ اوہ دعا کر رہیا اے۔

17۔ ایس لئی حننیاہ جا کے اوس گھر وچ وڑھیا تے اپنے ہتھ اوہدے اُتے دھر کے آکھیا بھائی ساؤل! خداوند یعنی یسوع جیہڑا تیرے اُتے اوس راہ وچ جتھوں توں آیا ایں ظاہر ہو نیاسی اوہنے ای مینوں گھلایا اے پئی توں اکھیاں پانویں تے پاک روح نال بھر جانویں۔

18۔ تے چھیتی نال اوہدیاں اکھیاں توں چھلکے جیسے ڈگے تے اوہ سجا کھا ہو گیا تے اٹھ کے پتسمہ لیا۔

20۔ تے چھیتی نال عبادت خانیاں وچ یسوع دی منادی کرن لگا پئی اوہ رب داپتر اے۔

5۔ اعمال 14 باب 2، 19، 20 آیتاں

2۔ پر نافرمان یہودیاں نے غیر قوم والیاں دے دلاں وچ جوش پیدا کر کے اوہناں نوں بھرانواں ولوں بدگمان کر دتا۔

19۔ فیر کجھ یہودی انطاکیہ تے اُنکیم توں آئے تے لوکاں نوں اپنے ول کر کے پولوس نوں سنگسار کیتا تے اوہنوں مردہ سمجھ کے شہروں باہر کڑھیس کے لے گئے۔

20۔ پر جد چیلے اوہدے آل دوالے آکھلوتے تے اوہ اٹھ کے شہر وچ آیا تے دو جے دن برنباس دے نال در بے نوں ٹر گیا۔

6- اعمال 20 باب 7 توں 12 آیتاں

- 7- ہفتے دے پہلے دن جد اسی روٹی توڑن لئی اکٹھے ہوئے تے پولوس نے دو جے دن ٹر جان دا ارادہ کر کے اوہناں نال گلاں کیتیاں تے ادھی رات تیکر کلام کردارہیا۔
- 8- جیس بالا خانہ وچ اسی اکٹھے ہوئے سی اوہدے وچ بوہت سارے دیوے بل رہے سی۔
- 9- یو تختس ناں دا اک جوان منڈا باری وچ بیٹھاسی۔ اوہدے اُتے نیندر دا بوہت غلبہ سی تے جد پولوس بوہتے چر تیکر گلاں کردارہیا تے اوہ نیندر دے غلبے وچ تیجی منزل توں بیٹھاں ڈگ پیا تے جد چکیا گیا تے مردہ سی۔
- 10- پولوس اتر کے اوہدے نال چمڑ گیا تے گلے لاکے آکھیا گھبراؤنہ۔ ایہدے وچ جان ہے اے۔
- 11- فیر اُتے جا کے روٹی توڑی تے کھا کے ایہناں چر اوہناں نال گلاں کردارہیا پئی سویر ہو گئی۔ فیر اوہ ٹر گیا۔
- 12- تے اوہ اوس منڈے نوں جیوندہ لیائے تے اوہناں دی بڑی خاطر جمع ہوئی۔

7- رومیوں 8 باب 2، 9 (توں) (توں)۔، 12 (توں تیسری)، 14، 16، 17 (توں دوسری)؛، 38، 39 آیتاں

- 2- کیوں جے حیاتی دے روح دی شریعت نے مسیح یسوع وچ مینوں پاپ تے موت دی شریعت توں آزاد کردتا۔
- 9- پرتسی بدنی نئیں بلکہ روحانی او شرط ایہہ اے پئی رب دار وچ تہاڈے وچ وسیا ہووے۔
- 12- ایس لئی اے بھراو! اسی قرضدار تے ہیں واں پر بدن دے نئیں پئی بدن دے مطابق حیاتی گزارے۔
- 14- ایس لئی پئی جنسے رب دی روح دی ہدایت نال ٹردے نیں اوہ ای رب دے پتر نیں۔
- 16- روح آپ ساڈی روح نال مل کے گواہی دیندا اے پئی اسی رب دے پتر آں۔

- 17- تے جے پتر آں تے وارث وی آں یعنی رب دے وارث تے مسیح دے ہم میراث۔
- 38- کیوں جے مینوں یقین اے پئی رب دی محبت جیہڑی ساڈے خداوند یسوع مسیح وچ اے اوہدے توں نہ ساہنوں موت دکھ کر سکے گی نہ حیاتی۔
- 39- نہ فرشتے نہ حکومتاں۔ نہ حال دیاں نہ آؤن والیاں شیواں۔ نہ قدرت نہ اُچیاں نہ پستی نہ کوئی ہور مخلوق۔

سائنس تے صحت

1- 16-13:115

رب: الہی اصول، حیاتی، سچیاں، پیار، جند، روح، سیان۔

بندہ: رب داروحانی خیال، انفرادی، کامل، ابدی۔

2- 4:332 (پو-ماں)-8

الوہیت لئی مادر پدر نام اے، جیہڑا اوہدی روحانی مخلوق دے نال اوہدے پیارے رشتے ول اشارہ کردا اے۔ جیویں پئی رسول نے ایہناں لفظاں وچ ایہہ ظاہر کیتا جنہاں نوں اک چنگے شاعر دی منظوری نال لیا گیا ہووے: ”ایس لئی پئی اسی وی اوہدی اولاد آں“۔

3- 32-264:15

روح داسنساں روحانی مخلوقاں نال بنیا اے، تے ایہدی حکومت الہی سائنس اے۔ انسان دی اولاد سیان دی کمتر نہیں، بلکہ بوہت اعلیٰ خصلتاں رکھدی اے۔ جیویں جیویں سچائی تے پیار دی دولت ترقی پاندے نیں انسان اوہدے تناسب نال روحانی وجودیت نوں سمجھدا اے۔ انسان نوں رب ول متوجہ ہونا چاہیدا اے تے اوہناں دے مقصد تے احساس روحانی ہوون گے، اوہناں نوں ہستی دیاں تشریحاں نوں ترقی دے نیڑے لیا نا چاہیدا اے، تے لامتناہی دامن مناسب ادراک پاؤنا چاہیدا اے، تاں جو پاپ تے فائیت نوں ختم کیتا جاوے۔

ہستی دا ایہہ سائنسی فہم، روح دے مادے نوں ترک کر دیاں ہوئے، کسے وسیلے دے بغیر الوہیت وچ انسان دے رکھے پن تے اوہدی شناخت دی گمشدگی دی صلاح دیندا اے، پر انسان اُتے اک وسیع تر انفرادیت نچھاور کردا اے، یعنی اعمالاں تے خیالاں دا اک وڈھا دائرہ، وسیع پیار تے اک اُچا تے ہور مستقل امن عطا کردا اے۔

4- 5:37 (تاریخ)۔12

تاریخ مصیبتاں دے ریکارڈ نال بھری ہوئی اے۔ ”شہیداں دا لہو کلیسیا دا بیج اے۔“ انسان سچائی نوں لوہے یاد داغ نال مارن دی بے فضول کوشش کردے نیں، پر غلطی روح دی تلوار دے سامنے آؤندی اے۔ شہیداں اوہ انسانی کڑیاں

نیں جیہڑیاں دین دی تاریخ وچ اک مرحلے نوں دو جے مرحلے نال جوڑ دیاں نیں۔ اوہ دھرتی دی لو نیں، جیہڑے مادی احساس دے ماحول نوں صاف تے نایاب کرن تے انسانیت نوں خالص نظریاں دے نال پھیلاں داکم کر دے نیں۔

5 - 4-1:388

مسیحی شہید کر سچن سائنس دے نبی سی۔ الہی سچیاں دی ترقی دین والی تے مخصوص کیتی ہوئی طاقت دے راہیں اوہناں نے بدنی حساں اُتے فتح پائی، اجیہی فتح جنہوں بس سائنس ای واضح کر سکدی اے۔

6 - 32-23:326

ساؤل تری بس اوہدوں راہ، مسیح یا سچیاں نوں ویکھ سکیا جد ٹھیک ہوون دے بارے اوہدے غیر یقینی فہم نے روحانی فہم نوں منیا جیہڑا ہمیشہ ٹھیک ای بند اے۔ تداوہ بندہ بدل لیا۔ سوچ نے لکے ہوئے نقطہ نظر نوں منیا، تے اوہدی حیاتی بوہتی روحانی ہو گئی۔ اوہنے اوس غلطی نوں سمجھیا پئی اوہ مسیحیاں نوں تکلیف دیند اسی، جنہاں داندہب اوہنے نیں سمجھیا سی تے حلیمی وچ اوہنے اپنا نواں نال پولوس پایا۔ پہلی واری اوہنے پیاردا اصلی تصور پایا تے الہی سائنس وچ ایہہ سبق سکھیا۔

7 - 25-4:275

ساڈے انسانی خیال سائنس دے متھاج نیں۔ رب دا اصلی فہم روحانی اے۔ ایہہ فتح دی قبرنوں لٹ لیندا اے۔ ایہہ اوس جھوٹی گواہی نوں تبا کر دا اے جیہڑی دو جے دیوتا نواں یا نام نہاد طاقتاں ول سوچ نوں لے جان دی تے اشارہ کر دی اے، جیویں پئی مادا، بیماری، پاپ تے موت، جیہڑے واحد روح توں اُچے یا اوہدے مخالف ہندے نیں۔

سچیائی، روحانی طور تے ادراک پاؤندیاں ہوئے، سائنسی طور تے سمجھی جان دی اے۔ ایہہ غلطی نوں باہر کڈھ دی تے بیمار نوں شفا دیندی اے۔

اک رب، اک سیان نوں مننوں اوس طاقت نوں ظاہر کر دا اے جیہڑی بیمار نوں شفا دیندی تے کلام دے ایہناں اکھاناں نوں پورا کر دی اے پئی، ”میں خداوند تیرا شفا دین والاواں“ تے ”میںوں فدیہ مل گیا اے“۔

8- 3:166 (جداں پئی)۔ 7

جیویں انسان سوچ دا اے، اوہ اونج دا ای ہو جاندا اے۔ سیان اوہ سب کجھ اے جو اوہ محسوس کر دا، عمل کر دیا عمل نوں روک دا اے۔ ایہدے توں انکار یا ایہدی منطقی ذمہ داری توں انحراف کرنا، شفا ئیہ کوشش نوں غلط پاسے لے جاندا اے، تے ایخ بدن اُتے شعوری اختیار ختم ہو جاندا اے۔

9- 23-18:534

پولوس رومیوں دے ناں اپنے خط وچ لکھدا اے: ”ایس لئی پئی بدنی نیت رب دا ویراے کیوں جے نہ تے رب دی شریعت دے تابع اے تے نہ ہو سکدی اے۔ تے جیہڑے بدنی نیں اوہ رب نوں خوش نیں کر سکدے۔ پر تسی بدنی نیں بلکہ روحانی او شرط ایہہ اے پئی رب دا روح تہاڈے وچ وسیا ہووے۔“

10- 20-16:315

رب دی صورت جنہوں اسی پاپ دے پاروں نظر انداز کر دینے آں، جیہڑی سچائی دے روحانی فہم اُتے پردہ پاؤندی اے، تے اسی ایس صورت نوں بس اوس ویلے سمجھدے آں جدوں اسی پاپ دے اثر بیٹھاں ہن آں تے ایہنوں انسان دی وراثت ثابت کر دے آں، یعنی رب دے پتر اں دی آزادی من دے آں۔

11- 8-6:477

جند لئی انسان مادی رہائش نیں اے؛ اوہ آپ روحانی اے۔ جند یعنی روح ہونا مکمل یا مادی وچوں کسے وچ دکھالی نیں دیندا۔

12- 15-4:393

بدن آپ کم کرن والا دکھالی دیندا اے، بس ایس لئی کیوں جے مادی فہم اپنے آپ توں، اپنے سارے کماں توں، اوہناں دے نتیجیاں توں بے خبر ہندا اے، ایس گل توں بے خبر ہندا اے پئی سارے بھیڑے اثر اں دی پُرکشش، لگی ہوئی، تے دلچسپ وجہ نام نہاد مادی سیان دا قانون اے نہ پئی مادے دا۔ سیان بدنی حساں دی مالک اے، تے بیماری، پاپ

تے موت نوں فتح کر سکدی اے۔ ایس رب دے دتے ہوئے اختیار دی مشق کرو۔ اپنے بدن دی ملکیت رکھو، تے ایسے احساس تے عمل اُتے حکمرانی کرو۔ روح دی قوت وچ جاگو تے اوہ سب کجھ جیہڑا چنگیائی ورگانئیں اوہنوں رد کر دیو۔ رب نے انسان نوں ایس قابل بنایا اے، تے کوئی وی شے ایس قابل تے طاقت نوں وگاڑنئیں سکدی جیہڑی الہی طور تے انسان نوں دتی گئی اے۔

13- 16:245 (دی)-32

لامحدود کدی شروع نئیں ہوئی تے نہ ایہہ کدی ختم ہووے گا۔ سیان تے ایس دیاں شکلاں کدی فنا نئیں ہو سکدیاں۔ انسان بریائی تے چنگیائی، خوشی تے دکھ، بیماری تے صحت، حیاتی تے موت وچ جھولدا ہو یا پینڈو لم نئیں اے۔ حیاتی تے اوہ دیاں طاقتاں نوں کیلنڈراں نال نئیں ناپیا جاندا۔ کامل تے لافانی اپنے بناؤن والے دی ہمیشہ دی شبیہ نئیں کسے وی طراں انسان مادی جرثومہ نئیں جیہڑا غیر کامل توں ترقی کر رہیا تے جیہڑا اپنی اصلیت توں اُچے روح تیکر اپڑن دی کوشش کر رہیا ہووے۔ ندی اپنے منبعے توں اُچی نئیں وگدی۔

شمسی ورھے دے مطابق عمر دی درازی جوانی کھولیندی تے عمر نوں بد صورتی فراہم کر دی اے۔ سچائی تے اصلیت دا منور سورج ہستی دے نال وجودیت رکھدا اے۔ جو انمردی ایس دی ابدی دوپہراے جیہڑی ڈوبدے ہوئے سورج دے نال دھیمی ہندی جان دی اے۔ بدنی تے مادی دی طراں خوب صورتی دعارضی فہم دھندا لاہندا جاندا اے، روشن تے ناقابلِ تسخیر تعریفاں دے نال روح دے نور نوں مسرور فہم اُتے طلوع ہونا چاہندا اے۔

14- 9:516 (رب)-12، 19-23

رب ساریاں شیواں نوں اپنی شبیہ اُتے بناؤندا اے۔ حیاتی وجودیت نال، سچیاں راستی نال، رب نیکی نال منعکس ہندا اے، جیہڑے اپنی سلامتی تے استقلال نوں عنایت کردے نیں۔

انسان، اوہدی شبیہ اُتے بنائے جان نال پوری دھرتی اُتے رب دی حاکمیت دا پرچھانواں بن دا تے ملکیت رکھدا اے۔ بندہ تے جڈھی ہمیشہ لئی رب دے نال ابدی تے ہم عصر، جلالی خوبی وچ لا محدود مادہ پد رب دی عکاسی کردے نیں۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں اپرا چھانواں بن دا اے۔ ایس چرچ دے سارے رکن اں نوں سارے پاپاں توں، غلط

طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔